



大唐六典

7保4
9.042
8



門7保4
編3042
卷8

送

大序六典門下者第八

御撰

皇朝通志卷之八

禮部

門下

禮部

禮部

禮部

送



大唐六典門下首卷第八

御撰

集賢院學士兵部尚書兼中書令修國史

上柱國開國公臣李林甫等奉 敕注上

門下首

侍中二人

黃門侍郎二人

給事中四人

錄事主事各四人

令史十二人舊唐志作十一人

書令史二十二二人

甲庫令史七人

傳制八人

亭長六人

修補制敕匠五人

掌固十人

左散騎常侍二人

諫議大夫四人

左補闕二人

左拾遺二人

起居郎二人

令史三人

典儀二人

贊者十二人

城門郎四人

令史一人

書令史二人

門僕八百人

符寶郎四人

令史二人

書令史三人

主寶六人

主符三十人

主節十八人

弘文殿學士無常員

校書郎二人

學生三十人

令史二人

楷書手二十五人 舊唐志作三十人

典書二人

搨書手三人

筆匠三人

熟紙裝潢匠八人舊唐志作九人

亭長二人

掌固四人

侍中二人正三品

漢書百官表云侍中皆加官所加或列侯將軍卿大夫無員多至四十人漢書及通典四作數得入

禁中諸曹受尚書事皆秦制漢官云秩比三

漢書三千石董巴輿服志侍中冠武弁大冠

作二亦曰惠文冠加金璫附蟬為文貂尾為飾侍

中服之則左貂常侍則右貂金取堅剛百鍊

不耗蟬取居高飲清後漢志注應劭漢官清作潔貂取內勁

悍外溫潤本趙武靈王胡服之制秦滅趙得

其冠賜侍中焉漢制分掌乘輿服物功高者

一人為關批晉志及通典關當連書僕射後漢初亦加官

出宣帝命入備顧問法駕出多識者一人參
 乘兼負傳國璽操斬白蛇劍餘皆騎在乘輿
 車後從駕入廟祠天子上堂盥以以當巾奉
 酒酒當魏武擬通典魏改僕射為祭酒祭質
 漢官典職曰侍中在尚書後漢志書僕射下
 尚書上舊與中官俱止禁中宿直廬在石渠
 門外武帝時侍中僕射馬何羅挾反謀逆由
 是侍中出禁外王莽秉政復止禁章惠帝禁

脫中字惠元和中侍中郭舉與後宮通伏誅
當削去由是復出外靈帝時侍中舍有闕擬通典當
一本作區論者因言員有八人未詳也獻帝
循非起居注云初置侍中六人出入禁中近侍帷
 幄省尚書事魏氏侍中置四人者祭酒祭而
 加官不在數服秩依漢氏掌儼贊威儀大駕
 出則次直侍中護駕正直侍中負璽陪乘不
 帶劍餘皆騎從御登殿與散騎常侍對秩晉

扶侍中居左常侍居右備切問近對拾遺補
闕晉令侍中品第三武官官當絳朝服佩水
蒼玉東晉桓溫奏省二人後又復舊宋氏掌
奏事直侍左右殿內門下衆事皆掌之餘同
晉氏齊氏又以高功者一人為祭酒掌詔令
機密朝會多以羨姿容者兼其官餘同宋氏
梁氏秩二千石品第三後班第十二與給事
黃門侍郎一人對掌禁令陳氏依梁後魏侍

中六人加官在數初從第一品中後魏志作
上太和末革令正第三品北齊因之掌獻納
諫正及進御之職後周天官府置御伯中大
夫二人天子出入則侍中左右大祭祀盥洗
則受巾受當武帝改御伯為納言蓋侍中之
職也宣帝末又別置侍中為加官隋氏諱忠
改為納言置二人正三品掌陪從煬帝柳通
下脫大十二年改納言為侍中中當皇朝初
業二字

為納言武德四年改為侍中初秦漢置侍中曹無臺首之名自晉始有門下省歷宋齊梁陳後魏北齊隋國初皆曰門下省龍朔二年改為東臺左相咸亨元年復舊光宅元年改為鸞臺納言神龍元年復舊開元元年改為黃門監五年復舊曰門下省侍中

侍中之職掌出納帝命緝熙皇極總典吏職贊相禮儀以和萬邦以弼庶務所謂

太平御覽引六典所謂作

以蓋佐天子而統大政者也凡軍國之務與中書

令參而總焉坐而論之舉而行之此其大較也

凡下之通于上其制有六一曰奏抄

謂祭祀支度國用授六品以下一本下官斷

流已下罪及除免官當者並為奏抄

二曰奏彈

謂御史糾劾百司不法之事

三曰露布

謂諸軍破賊申尚書兵部而聞奏焉

四曰議

謂朝之疑事下公卿議理有異同奏而裁之

五曰表六曰狀

蔡邕獨斷凡群臣上書通獨斷無通字於天子者

四品品作名一曰章二曰奏三曰表四曰駁議

章者稱替首上以聞以作書無聞字謝恩陳事詣闕

通者也奏者上言替首言下言替首以聞其

中有所謂謂作請若罪法劾案公府送御史臺

卿校作公卿校尉送謁者臺通者也表者上言臣某

言下言臣某誠惶誠恐頓首頓首死罪死罪

左方下附曰某官某申申作甲上以詣尚書通

者也公卿校尉諸將不言姓大夫以下皆言

姓報章曰聞報奏曰可其表文尚書報所

無所字云已奏如書凡表章以以作皆啓封其

言密事得皂囊囊下有盛字其有疑事公卿百官

會議而執異意者曰駁議議下有駁曰某主

主作甲甲上有議可作為如是下言言下有臣

官甲其字議以為如是下言字以上十

四處以獨愚戇議異其合於上意者文報曰某

官某甲議可漢承秦法羣臣上書皆言昧死

言王莽慕古改昧死曰稽首光武因而不改

章表制度自漢已後多相因循隋令有秦抄

奏彈露布等皇朝因之其駁議表狀等至今

常行其秦抄露布侍中審自餘不審

皆審署申覆而施行焉

復奏復當畫可訖留門下省為案更寫一通

作覆侍中注制可印縫署送尚書省施行

凡法駕行幸則負寶以從

秦漢初置侍中主諸御物品秩亦卑晉魏以

來其任漸重至隋乃為宰相之職任負寶之

儀因而不改抑非尊崇宰輔之意

大朝會大祭祀則版奏中嚴外辨以為出入之

節輿駕還宮則請解嚴所以告禮成也凡大祭
祀皇帝制舊唐志制作致齋既朝則請就齋室將奠則
奉玉

及幣以進盥手則取匱以沃洗爵則酌壘水
以奉乃舊唐志乃作及贊酌汎齊進福酒以成其禮
焉及幣以下注文三十二字按舊唐志當為本文

若饗宗廟則進瓚而贊酌鬱酒以裸既裸則贊
酌醴齋齋當作齋其餘如饗神祇之禮籍田則奉耒

以贊事

唐禮廩犧令供耒司農卿受之以授侍中

凡諸侯王及四夷之君長朝見則承詔而勞問
之臨軒命使冊后及太子則承詔以命之

唐禮侍中前承詔降宣詔曰冊某氏女為后
命公等持節展禮冊太子亦如之

凡制敕慰問外方之臣及徵召者則監其封題
若發驛遣使則給其傳符以通天下之信凡官

爵廢置刑政損益皆授之於記事之官既書於策則監其記注焉凡文武職事六品以下所司進擬則量其階資校其材用以審定之若擬職不當隨其便批舊唐志屈退而量焉黃門侍郎二人正四品上

晉職官志云黃門侍郎秦官也無常員掌侍從左右漢因之秩六百石劉向戒子歆書曰今若年少得黃門侍郎要處也應劭曰黃門

侍郎每日暮向青鎖門拜謂之夕郎初秦又有給事黃門之職漢因之至後漢并二官曰給事黃門侍郎掌侍從左右關通中外諸王朝見則引王就坐至獻帝時與侍中各置六員出入禁中近侍帷幄省尚書事後又改為侍中侍郎尋復舊為給事黃門侍郎魏氏疑氏當作置四人東晉桓溫奏省二人後又復舊所掌與侍中俱置四人批晉志置四人三字衍管門下

衆事與散騎常侍並清華而代謂之黃散焉
晉令品第五秩六百石武冠絳朝服宋氏因
晉而郊廡則一人執蓋臨軒朝會則一人執
麾齊因晉宋又與侍中叅典詔命侍中呼為
門下給事黃門侍郎呼為小門下梁氏增秩
二千石品第五後班第十與侍中同掌侍從
左右儼相威儀盡規獻納糾正違闕監合嘗
御藥針針當壘書高功者一人與侍中祭酒

對掌禁令陳氏因梁後魏給事黃門侍郎史
闕其員初正第三品後魏志正太和末正第
四品上北齊置六人品依魏氏所掌與侍中
同後周天官府置御伯下大夫二人武帝為
納言下大夫掌貳納言上大夫之職隋置四
人正第四品上煬帝減二人去給事之名直
曰黃門侍郎隋氏用人益重皇朝因之龍朔
二年改為東臺侍郎咸亨元年復舊光宅元

年改為鳶臺侍郎神龍元年復舊

黃門侍郎掌貳侍中之職凡政之弛張事之與奪皆參議焉若大祭祀則從升壇以陪禮皇帝盥手則奉巾以進既悅則奠巾于篚奉匏爵以贊獻凡元正冬至天子視朝則以天下祥瑞奏聞

給事中四人正五品上

漢書百官表云給事中亦加官所加或大夫

博士議郎皆秦制漢議注議當諸給事中曰

日當上朝謁平尚書奏事分為左右以有事

殿中故曰給事中多名儒國親為之掌左右顧問位次中常侍後漢省其官魏氏復置或為加官或為正員晉氏無加官亦無常員隸散騎者位次散騎常侍晉令云品第五武冠絳朝服宋齊隸集書者位次諸散騎下奉朝請上梁陳秩六百石品第七與諸散騎常侍

侍從左右獻納得失省諸奏聞後魏史闕其
員初從第三品上太和末從第六品上北齊
集書省置六十員隋志北齊集書省有給事中六人從第六
品上後周天官府置給事中士六十人掌理
六經及諸文誌給事於帝左右其後六官之
外又別置給事中四人隋初於門下省置給
事中二十人掌陪從朝直煬帝名給事郎減
置四人位次黃門侍郎下從第五品掌首讀

奏批隋志奏下脫案字皇朝又曰給事中龍朔二年改

為東臺舍人咸亨元年復舊

給事中掌侍奉左右分判省事凡百司奏抄侍
中審定則先讀而署之以駁正違失凡制敕宣
行大事則稱揚德澤褒美功業覆奏而請施行
小事則署而頒之凡國之大獄三司詳決若刑
名不當輕重或失則援法例退而裁之凡發驛
遣使則審其事宜與黃門侍郎給之其緩者給

傳郎不應給罷之凡文武六品已下授職舊唐志職

下有官字所司奏擬則校其仕歷太平御覽引六典仕作任深淺

功狀殿最訪其德行量其材藝若官非其人理失其事則白侍中而退量焉

若文武進級至于三品五品則覆其入仕之

階考會所由之狀而奏裁之凡制敕文簿授

官甲曆皆貯之於庫監其檢覆以出入焉

其弘文館圖書舊唐志書下有之字繕寫讎校亦課而察

之凡天下冤滯未申及官吏刻害者必聽其訟

與御史及中書舍人同計其事宜而申理之

每日令御史一人共給事中中書舍人受詞

訟若告言官人事害政者及抑屈者奏聞自

外依常法

錄事四人從七品上

魏後當作魏門下省錄事從第八品按後魏志從第八品

上北齊門下錄事置四人從第八品上隋氏

置六人煬帝三年加門下錄事為正第八品
皇朝置三人龍朔二年改為東臺主書咸亨
元年復舊開元初減置一人

主事四人從八品下

晉置門下主事歷宋齊品第八梁陳名為門
下主事令史北齊門下主事令史八人從第
八品上隋初諸臺省並置主事令史煬帝三
年直日日當主事舊令從九品上開元二十

四年敕加入從八品上上當
作下

甲庫令史七人

晉置門下令史品第九宋及梁陳並同晉氏
後魏北齊門下並有令史及書令史自漢以
來令史皆有品秩至隋開皇初始降為流外
行署

傳制八人

晉書劉裕舉義兵襲徐州刺史栢循當作
桓脩令

何無忌偽著傳詔朕稱敕宋宋當城中無敢
 動者又齊受禪時侍中謝朓在直傳詔呼云
 須侍中解印朓曰齊當自有侍中乃朝服步
 出梁陳二代並有傳詔之職而用人猶重天
 后改為傳制掌送制敕流外之中冢小吏也
 介番上下亦呼為番官

左散騎常侍二人從三品

秦置散騎又置中常侍其散騎傷乘輿專獻

可替否中常侍得出入禁中常侍左右漢因
 之並用士人無常員皆加官所加或列侯將
 軍卿大夫等冠武冠皆銀璫附蟬為文貂尾
 為飾謂之貂蟬後漢省散騎而中常侍改用
 宦者魏黃初晉志宋志初復置散騎與中常
 侍合為一直曰散騎常侍復擬通典復用士
 人晉置四人典章表詔命優文策文等雖隸
 門下別為一省潘岳云寓直散騎之省是也

又領六散騎則有員外散騎常侍無常員魏
 末散騎常侍有在員外者因名焉又有通直
 散騎常侍四人晉太始十年使二人與散騎
 常侍通員直因名焉又有散騎侍郎四人魏
 與散騎常侍同置自魏至晉散騎常侍侍郎
 與中黃門侍郎共平章晉志宋志無章字尚書奏事
 江左乃罷之又有員外散散下脫侍郎無常
 員晉武所置又有通直散騎侍郎四人東晉

并中書入散騎省故庾亮讓中書牋曰方今
 并省不宜多官往以中書事并附散騎此事
 宜也方今喉舌之要則任在門下表章詔命
 則取之散騎殊無事復立中書也晉代此官
 選任愈重時與黃門侍郎謂之黃散晉令云
 散騎常侍品第三冠右貂金蟬絳朝服佩水
 蒼玉宋置散騎常侍四人亦以加官九九當作久
 次者為祭酒領六散騎焉又置集書省領之

千石後班第十二高功一人為祭酒與散騎一作二

侍郎一人對掌禁令自宋以來用人雜故其

官漸替梁天同批南齊志通典梁天同當作宋大明雖革南齊志革

作華選比侍中而人終不見重天監六年詔曰

帶帶當散騎常侍員外散騎常侍通直散騎常

侍為清望宜革選參舊例自是散騎視侍中

通直視中丞員外視黃門侍郎陳氏因之後

魏集書省置散騎常侍第二品太和末徙三

品亦領六散騎北齊置六人餘同魏氏後周

散騎常侍為加官隋文帝門下省置散騎常

侍四人徙第三品掌陪從朝直亦置六散騎

常侍開皇六年省員外散騎常侍煬帝三年

又省散騎常侍散騎侍郎武德初散騎常侍

加官員觀初置散騎常侍二員隸門下省明

慶三批舊唐志年又置員外批旧唐志員隸

三當作二

外當作二員

隸

中書省始有左右之号並金蟬珥貂左散騎
與侍中左貂右散騎與中書令右貂謂之八
貂龍朔二年改為左常侍舊唐志左常侍作左侍極咸亨
元年復舊

左散騎常侍掌侍奉規諷備顧問應對
諫議大夫四人正五品上

漢書百官表云秦諫大夫屬中令漢書百官表屬下有
郎無常員多至數十人掌議至武帝元狩六
字

年漢書百官表掌下有論字六當作五始因秦置之秩比六百石

漢書百官表六作八後漢志作六光武中興諫議大夫置十

三員後漢志十魏氏因之史闕員品晉宋

齊梁陳並置置當作省至後魏始置之正後魏志第四

品北齊集書省置諫議大夫七人從第四品

下後周地官府置保氏下大夫一人掌規諫

皆其任也隋氏門下省置諫議大夫七人從

四品下皇朝置四人龍朔二年改為正議舊

唐志議大夫神龍元年復旧當作諫

諫議大夫掌侍從贊相規諫諷諭凡諫有五
一曰諷諫

風之以言謂之諷諫孔子曰諫有五吾從風
白虎通曰人懷五常之性故有五諫也

二曰順諫

謂其所不可不敢逆而諫之則順其君之所
欲以微動之若優旃之比

三曰規諫

謂陳其規而正其事

四曰致諫

謂致物以明其意

五曰直諫

謂直言君之過失必不得已然後為之者

左補闕二人從七品上

皇朝所置言國家有過闕而補正之故以名

官焉詩云衮職有闕仲山甫補之蓋取此義
後漢伏湛出入禁闈拾遺補闕魏志文帝敕
侍臣曰公卿等宜拾朕之遺補朕之缺晉武
帝詔曰公卿等宜補闕拾遺獻可替否晉職
官志御登殿侍中居左散騎常侍居右備切
問近對拾遺補闕後魏孝文帝令侍中李冲
補闕左右垂拱中因其義而創立四員左右
各二焉天授初左右各加三員通前為十員

神龍初依舊各置二人其才可則登不拘階
叙又置內供奉無員數才職相當不待闕而
授其資望必與正官同祿俸等並全給右補
闕亦同

左拾遺二人從八品上

皇朝所置言國家有遺事拾而論之故以名
官焉史記汲黯曰臣願為中郎署長出入禁
闈補過拾遺漢書元帝初立給事中劉向侍

中金敞拾遺於左右後漢張衡為侍中恒居帷幄從容諷議拾遺左右後魏初置內侍長主拾遺應對若今之侍中散騎又孝文帝命侍中丘帷樞通志惟當作堆拾遺左右垂拱中因其義而創立四員左右各二焉天授初左右各加三員通前共為十員神龍初依舊各置二員才可則登不拘階叙亦置亦置衍亦置內二字供奉無員數資望俸祿並如正官右侍遺侍當

作拾亦同也

左補闕拾遺掌供奉諷諫扈從乘輿凡發令舉事有不便於時不合於道大則廷議小則上封若賢良之遺滯於下忠孝之不聞於上則條其事狀而薦言之起居郎二人從六品上

起居郎因起居注以為名起居注者紀錄人君動止之事春秋傳曰君舉必書禮云動則

左史書之言則右史書之又曰左史記事右史記言言為尚書事為春秋皆其事也宋衷世本云沮誦倉頡為黃帝左右史周書穆王時有左史戎夫書前代存亡之誠諸侯之國亦立之晉武帝時得汲冢書有穆天子傳體制與當時起居注正同蓋周左右史之所錄也漢武有禁中起居注後漢明德皇后撰明帝起居注然則漢時起居注似在宮中為女

史之職魏晉已來皆中書著作兼修國史元康二年著作隸入秘書別名著作首歷宋齊梁陳皆掌國史後魏及北齊集書首領起居注今史之職從第七品上後周春官府置外史掌書言擬通典書下有王字及動作以為國誌即其任也又有著作二人掌綴國錄蓋起居著作自此分也隋省內史舍人四員而始置起居舍人二員皇朝因之貞觀二年省起居舍人

移其職於門下置起居郎二員明慶中又置起居舍人始與起居郎分在左右龍朔二年改為左史咸亨元年復故天授元年又改為左史神龍元年復故

令史三人

先置楷書手今改為令史

起居郎掌錄天子之動作法度以修記事之史凡記事之制以事繫日以日繫月以月繫時以

時繫年必時

太平御覽引六典無時字

書其朔日甲乙以紀

曆數典禮文物以考制度遷拜旌賞以勸善誅伐黜免以懲惡季終則授之于國史焉

漢獻帝及西晉以後諸帝皆有起居注皆史

官所錄自隋置為職員列為侍臣專掌其事

每季為卷送付史官

樞舊唐志官當作館

典儀二人從九品下

周禮秋官有司儀上士八人中士十有六人

蓋皆典儀之任也齊職儀云東宮殿中將軍
屬官有導客局置典儀錄事一人掌朝會之
事史闕其品秩梁有典儀之職未詳何曹之
官掌唱警唱奏之事朱服武冠陳亦有之後
魏置典儀監從第五品史闕其員及所掌皇
朝置典儀二人隸門下省按唐志隋謁者臺
有典儀武德五年
復置隸初用人皆輕至貞觀初舊唐志李義
門下省府為之是後常用士人領贊者以知贊唱之

節

贊者十二人

隋太常寺有贊者十六人鴻臚寺有贊者十
二人皇朝因置之隸門下省掌贊唱為行事
之節分番上下亦為舊唐志之番官
典儀掌殿上贊唱之節及設殿廷版位之次
若元正冬至大朝會王公外殿外當既坐酒
至而起皆傳贊唱而為之節也

凡國有大禮侍中行事及進中嚴外辨之版皆贊相焉

城門郎四人從六品上

周禮地官有司門下大夫二人上士四人蓋

城門郎之任也初漢置城門校尉員一人秩

二千石掌城門屯兵有司馬及丞各二前後漢書

一作人十二城門候各二前後漢書人出從緹

騎百二十人蓋兼監門將軍之職魏因之晉

氏品第四秩二千石銀章青綬絳朝服武冠

佩水蒼玉元帝省之宋齊俱以衛尉掌宮城

屯兵及管鑰之事梁陳二代依秦漢以光祿

卿掌宮殿門戶亦無城門之職後魏置城門

校尉第三品下太和末第四品上北齊衛尉

寺統城門寺置城門校尉二人第四品上掌宮

殿門隋志殿下有城字并諸倉庫管鑰之事而後周

地官府置官門中士通典中一人下士一人

掌皇城

皇恐當作宮

五門之禁令又置城門中士

一人下士一人掌皇城十二門之禁令蓋並

其任也隋氏門下省統城門局校尉二人從

第四品下煬帝三年又隸

脫殿字

內省十二年又減

一人降為正第五品後又改校尉為城門郎

置四人從第六品又隸門下省皇朝因之

門僕八百人

按晉光祿勳左中郎將有崇禮等門僕各二

人隋有太廟郊社門僕皇朝城門郎置門僕

分番上下掌送管鑰

城門郎掌京城皇城宮殿諸門開闔之節奉其

管鑰而出納之

明德等門為京城門朱雀等門為皇城門承

天等門為宮城門嘉德等門為宮門太極等

門為殿門通內等門並同上閣門東都諸門

准此

開則先外而後內闔則先內而後外所以重中
禁尊皇居也候其晨昏擊鼓之節而啓閉之

承天門擊曉鼓聽擊鐘後一刻鼓聲絕皇城
門開第一鑿鑿聲絕宮城門及左右延明乾
化門開第二鑿鑿聲絕宮殿門開夜第一鑿
鑿聲絕宮殿門閉第二鑿鑿聲絕宮城門閉
及左右延明門皇城門閉其京城門開閉與
皇城門同初承天門擊鼓皆聽漏刻契至乃

擊待漏刻所牌到鼓聲乃絕

凡皇城宮城闔門之鑰先酉而出後戌而入開
門之鑰後丑而出夜盡而入

宮城皇城鑰匙每日入前五刻出閉門一更
二點進入五更一點出開門夜漏盡第二鑿
鑿後二刻而進入

京城闔門之鑰後申而出先子而入開門之鑰
後子而出先卯而入

京城門鑰匙於東廊下貯納每去去字恐衍日入

前十四刻出閉門二更一點入四更一點出

開門夜漏盡第二鑿鑿後十刻入

若非其時而有命啓閉則詣閣舊唐志閣作閣覆奏

奉旨合符而開闔之

殿門及城閉閉當作門若有敕夜開受敕人具錄

須開之門宣送中書門下其牙內諸門城門

郎與監直監門將軍郎將各一人俱詣閣覆

奏御注聽即請合符門鑰對勘符然後開之

凡車駕處幸所詣之所計其應啓閉者先發

而請其管鑰及至即開闔如京城之制

符寶郎四人從六品上

周禮地官有掌節春官又有典瑞並其任也

自漢以來唯旌節稱節餘皆号符焉寶即璽

也秦為符璽令史記云始皇出遊會稽丞相

李斯中車府令趙高從高兼行符璽令事是

也漢因秦置符節令丞屬少府漢官云秩四百石漢書云昭帝幼冲霍光秉政殿中夜驚光召符璽郎取璽郎不與光奪之郎按劍曰臣頭可得璽不可得光壯之增秩二等後漢則別為一臺亦屬少府置符節令一人為臺率主符節事凡遣使掌授節令按後漢志無令字尚符璽郎中四人兩漢皆傳秦六璽及傳國璽魏符節令位次御史中丞晉武帝太始元年

省并蘭臺置符節御史宋曰之齊置主璽令史於蘭臺以侍書御史侍當作持御上脫侍字領之梁陳御史臺並置符節令史後魏御史臺置符節令領符璽郎中初徙第四品中太和末徙第六品上北齊御史臺領符節署令一人領隋志無領符璽郎中四人後周天官府置主璽下士四人分掌神璽傳國璽與六璽之藏隋初門下省統六局符璽局置監二人正第六品上直

長四人從第七品上煬帝二年改為郎從第六品皇朝因隋置符璽郎四人天后更名符寶郎授命及神璽等八璽文並琢為寶字神龍初復為符璽郎開元初又為符寶郎從璽文也

主寶六人

寶即璽也周書曰湯放桀大會諸侯取天子之璽置天子之座右者印璽二名尊卑共之

諸侯大夫印亦稱璽春秋左傳曰季武子使季冶問璽書追而與之是也主寶掌之八番上下亦謂之番官

主符三十人

漢文帝時與郡守為竹使符第一至第五以代周之鎮圭納兵為銅獸符第一至第五以代周之牙璋各分半右留京師左以與之背符合為信六國時魏公子無忌竊兵符矯命

殺晉鄙則六國亦有之後漢太守都尉初除
與璽書及發兵亦與璽書或與詔書姦偽刻
造無由檢知至順帝以此制煩擾但名符節
令發銅獸竹使符耳歷魏晉宋梁陳皆用之
後魏有傳符歷北齊隋皆用之武德初為銀
菟符後改為魚符又有傳符主符掌之分番
上下亦謂之番官

主節十八人

主節掌守幡節並分番上下亦謂之番官
符寶郎掌天子之八寶及國之符節辨其所用
有事則請於內既事則奉而藏之八寶一曰神
寶所以承百王鎮萬國二曰授命寶所以修封
禪禮神祇

徐令言玉璽記舊新唐書曰玉璽者傳國璽也
秦始皇取蘭田蘭當玉刻而為之其書李斯
所製回文玉海引六曰受命于天既壽永昌

璽上隱起為盤龍文文曰受天之命皇帝壽
 昌方四寸紐紐當作鈕五龍盤秦滅傳漢歷王莽
 為元后投之于地遂一角缺莽滅校尉公賓
 就收璽綬詣更始於死更始敗以璽上劉盆
 子盆子降面縛上璽綬光武光武祠於高唐
 受傳國璽至靈帝崩少帝失位掌璽者投于
 井中為孫堅所得袁術拘其妻而奪之術死
 荊州刺史徐繆繆當作繆得璽還許上之漢

滅傳魏至晉懷帝璽没于劉聰聰死劉曜得
 之又傳於石勒石季龍冉閔石季龍摩其隱
 起之文又刻其傍為文曰天命石氏後冉閔
 敗其將蔣韓韓當作幹求救於晉遂以璽
 送建業永和八年也歷東晉宋齊梁侯景竊
 位為景所得景敗為將侯子監盜璽走江東
 懼追兵至投諸佛寺為棲霞寺僧永得之陳
 永安三年僧永死弟子普智奉獻陳亡璽傳

於隋又晉陽秋云晉孝武十九年雍州刺史
郗恢於慕容永處得璽乃送建業其璽方六

寸厚一寸七分高四寸六分按太平御覽引

光十九年雍州刺史郗恢表慕容永稱藩奉

璽方六寸厚七分上蟠螭為鼻合高四寸六

分蟠龍隱起文字巧妙一與傳國璽同但形

制高入入當玉色不逮耳自晉至梁相傳謂

之鎮璽及侯景敗侍中趙思齊挾以度江兗

州刺史郭元建得之以送于齊文宣帝齊亡

入周周傳于隋隋文帝初亦謂之為傳國璽

開皇二年改為授命璽至開皇九年平江南

得真傳國璽乃改前所得大者名神璽至大

業初著之于令隋末又没于宇文化及竇建

德武德四年克平東夏建德右僕射裴矩奉

傳國璽及神璽六璽以獻

三曰皇帝行寶答疏於王公則用之四曰皇帝

之寶勞來勲賢則用之五曰皇帝信寶徵召臣

下則用之六曰天子行寶答四夷書則用之七
曰天子之寶慰撫蠻夷則用之八曰天子信寶
發蕃國兵則用之

衛宏漢舊儀曰天子有六璽皆白玉螭獸紐

紐當作鈕文曰皇帝行璽皇帝之璽皇帝信璽天

子行璽天子之璽天子信璽虞喜志林曰所
封事異故文字不同漢儀又云以皇帝行璽
為凡雜以皇帝之璽賜諸侯王書以皇帝信

璽發兵其徵大臣以天子行璽外國事以天
子之璽鬼神事以天子信璽皆以武都紫泥
封青布囊白素裏兩端縫尺一版中約署有
事及發外國兵用天子信璽封拜外國及徵
召用天子行璽賜匈奴單于外國王書用天
子之璽下下上疑當有諸字竹使符徵召大事行州
郡國者用皇帝信璽諸下銅獸符發郡國兵
用皇帝之璽封拜王公以下遣使就授皆用

皇帝行璽若車駕行幸次直侍中佩信璽行璽以從天子之信古曰璽今日寶其用以玉其封以泥皇后及太子之信曰寶其用以金也

凡大朝會則捧寶以進于御座車駕行幸則奉寶以從于黃鉞之內

今元正朝會則進神寶及受命寶若行幸則合八寶為五舉函錄封盛以從

凡國有大事則出納符節辨其左右之異藏其左而班其右以合中外之契焉一曰銅魚符所以起軍旅易守長

兩京留守若諸州諸軍折衝府諸處捉兵鎮守之所及宮總監皆給銅魚符

二曰傳符所以給郵驛通制命

兩京留守及諸州若行軍所並給傳符諸應給魚符及傳符者皆長官執之其長官若被

告謀反大逆其魚符付以次官無次官付受告之司

三曰隨身魚符所以明貴賤應徵召

親王及二品已上散官京官文武職事五品已上都督刺史大都督府長史司馬諸都護副都護並給隨身魚符

四曰木契所以重鎮守慎出納

車駕處幸皇太子監國有兵馬受處分者為

木契若王公以下兩京留守及諸州有兵馬受處分并行軍所及領兵五百人一當連以書上馬五百匹以上征討亦各給木契其在外及行用法式並准魚符

五曰旌節

周礼掌儀職曰凡邦國之使節山國用獸節土國用人節澤國用龍節皆金也又云道路用旌節注云今漢使所擁是也漢書曰戾太

子遭巫蠱事不自明取漢使節發兵與丞相
劉屈氂戰初漢節純赤以太子持赤節故更
為黃旄加以相別蘇武在匈奴執漢節毛落
並其事也

所以委良能假賞罰魚符之制王畿之內左三
右一王畿之外左五右一
左者在內右者在外行用之日從第一為首
後事須用以次發之周而復始

大事兼敕書

替代留守軍將及軍發後更添兵馬新授都
督刺史及改替追喚別使若禁推請假敕許
及別敕解任者皆須得敕書

小事但降符函封追遣使舊唐志無追字新合
而行之

應用魚符行下者尚書省錄敕牒門下省奏
請仍預遣官官一本典就門下對封封內連

寫敕符與左魚同函封上用門下省印共

恐當

其作追右符函盛封印亦准此

傳符之制太子監國曰雙龍之符左右各十京

都留守曰麟符左二十其唐志無其字右一十有九

東方曰青龍之符西方曰騶虞之符南方曰朱

雀之符北方曰玄武之符左四右三

左者進內右者付外應執符人其兩京留守

並進內若車駕巡幸留右符付留守人

隨身魚符之制左二右一

依上例右一下似缺注文今按唐志及文

獻通考有左者進內右者隨身之文當以此八字為注文太子以玉親王以

金庶官以銅

隨身魚符皆題云某位姓名其官只有一員

者不須著姓名即官名其其疑當作與曹司同者

雖一員亦著姓名隨身者仍著姓名並以袋

盛其袋三品已上飾以金五品以上飾以銀

六品已下守五品已上者不佩魚若在家非

時及及恐當在出使下出使別救負負恐當作賜檢校并

領兵在外不別給符契若須迴改處分者勅符同然後承用

佩以為飾刻姓名者去官而納焉不刻者傳而佩之

若傳佩魚皆須逾相付十日之內申報礼部木契之制太子監國則王畿之內左右各三王畿之外左右各五庶官鎮守則左右各十旌節

之制命大將帥及遣使於四方則請而假之唐

志假作佩旌以專賞節以專殺

弘文館學士無員數

後漢有東觀魏有崇文館宋元嘉有玄史兩館宋太始至齊永明有總明館梁有士林館北齊有文林館後周有崇文館或典校理或司撰著或兼訓生徒若今弘文館之任也武德初置修文館武德末改為弘文館神龍元

年避孝敬皇帝諱改為昭文神龍二年又改為修文景雲二年改為昭文開元七年又改為弘文隸門下省自武德貞觀以來皆妙簡賢良為學士故事五品已上稱為學士六品已下為直學士又有文學直館并所置學士並無員數皆以他官兼之儀鳳中以館中多圖籍置樞通典置當作未詳正通典正下有委守學士校理自垂拱以來多大臣兼領館中有四部書負

觀初褚無量

通典作褚亮按舊史亮傳貞觀元年為弘文館學士

檢校

館務學士号为館主曰為故事其後有張太素劉禕之范履冰並特敕相次為館主焉常令給事中一人判館事

學生三十人

補弘文崇文學生例皇宗總麻已上親皇太子子字后皇后大功以上親散官一品中書門下三品同中書門下平章事六尚書功臣

身食實封者京官職事正三品供奉官三品
 子孫京官職事從三品中書黃門侍郎子並
 聽預簡選性識聰敏者克負觀元年敕見任
 京官文武職事五品已上有性愛學書而
 恐衍及有書性者聽於館內學書其法書內出
 其年有二十四人入館敕虞世南歐陽詢教
 示楷法黃門侍郎王珪奏學生學書之暇請
 置博士兼肄業焉敕大學助教侯孝遵授其

經典著作郎許敬宗授以史後二年珪入奏
 請為學生置講經博士考試經業准試貢舉
 兼學法書

校書郎二人從九品舊唐志作從九品上

本置名讐校掌校典籍開元七年罷讐校置
 校書四人二十三年減二人

典書二人
 館中有經史子集四部之書使典之也其職

同流外八考入流

搨書手三人

貞觀二十三年置龍朔三年館內法書九百

四十九卷並裝進其搨書傳神龍元年又置

筆匠三人

貞觀二十三年置

熟紙裝潢匠九人

貞觀二十三年置

弘文館學士掌詳正圖籍教授生徒凡朝廷有

制度沿革禮儀輕重得參議焉

校書郎掌校理典籍刊正錯謬其學生教授考

試如國子之制舊唐志國子下有學字

禮部試崇文弘文生舉例習經當作一大經

一小經史習史記漢書後漢書三國志各自

為業及試時務策五條經史皆讀文精熟言

音典正策試十道取粗解注義經通六史通

三其時務策須文體不失問目意試五得三
皆兼帖考經論語共十條脫通六二字者為
第

大唐六典門下省卷第八

補考

梁氏秩二千石

秩下疑

○侍中左右

中當作侍

○諫議大夫

隋志梁陳有諫

○不合於道大

則廷議

白氏文集道下有

○領起居注令史

隋志

北齊集書省

○取天子之璽置天子之座

玉海引六

○其兩京留守並進內

守格古論要

字置天子之坐



